

სსიპ-საქართველოს ინტელექტუალური საკუთრების ეროვნული ცენტრი „საქპატენტი“

გამარტივებული ელექტრონული ტენდერის საშუალებით
პროექტის შედგენის მომსახურების (CPV712420000 - პროექტისა და გეგმის მომზადება, ხარჯების გამოთვლა)
შესყიდვის სატენდერო დოკუმენტაცია

წინამდებარე სატენდერო დოკუმენტაცია შედგენილია
„სახელმწიფო შესყიდვების შესახებ“ საქართველოს კანონის 12¹ მუხლის და „გამარტივებული
შესყიდვის, გამარტივებული ელექტრონული ტენდერისა და ელექტრონული ტენდერის
ჩატარების წესის“ სახელმწიფო შესყიდვების სააგენტოს თავმჯდომარის 07.04.2011წ. №9
ბრძანების საფუძველზე

დაფინანსების წყარო: საკუთარი სახსრები

ქ. მცხეთა 2015 წ.

სარჩევი

1. ტექნიკური დავალება 3
2. დანართი №1 ფასების ცხრილი 6
3. დანართი N2 ინფორმაცია გამოცდილებაზე 7
4. სახელმწიფო შესყიდვის შესახებ ხელშეკრულების პროექტი 8

1. ტექნიკური დავალება

შესყიდვის ობიექტია ქ. მცხეთაში და ქ. თბილისში მდებარე საქპატენტის ოფისებში მცირე რეკონსტრუქციისა და სამშენებლო-სარემონტო სამუშაოების (ასევე საკონფერენციო მაგიდის) საპროექტო დოკუმენტაციის (მათ შორის ხარჯთაღრიცხვა) შედგენა, კერძოდ:

1. ქ. მცხეთაში, ანტიოქიის ქ. N5-ში მდებარე საქპატენტის სათაო ოფისისათვის შესაქმნელი საპროექტო დოკუმენტაცია მოიცავს:
 - შენობის ვერანდაზე 10-15კვ.მ. თამბაქოს მოსაწევი ოთახის შუშბანდიანი ტიხრებით მოწყობის საპროექტო დოკუმენტაცია;
 - შენობაში არსებული 315,1 კვ.მ. საოფისე ფართის შუშის ვიტრაჟებით გადატიხვრის საპროექტო დოკუმენტაცია;
 - შენობის ცენტრალურ შესასვლელში შეზღუდული შესაძლებლობების მქონე პირთა შეუფერხებელი გადაადგილების უზრუნველყოფის მიზნით პანდუსის მოწყობის საპროექტო დოკუმენტაცია;
 - 25 ადგილიანი საკონფერენციო მაგიდის პროექტი (ჩამონტაჟებული მიკროფონებითა და შესაბამისი აპარატურით);
 - შენობის ვიტრაჟებიდან წყლის შემოსვლის ადგილების დამუშავების საპროექტო დოკუმენტაცია;
 - შენობაში არსებული „ჩილერის“ უწყვეტი კვების წყაროთი უზრუნველყოფის პროექტი;
 2. ქ. თბილისში, რამიშვილის ქ. N4-ში მდებარე ოფისისათვის მოსამზადებელი საპროექტო დოკუმენტაცია მოიცავს:
 - ოფისის შესასვლელში შეზღუდული შესაძლებლობების მქონე პირთა შეუფერხებელი გადაადგილების უზრუნველყოფის მიზნით პანდუსის მოწყობის საპროექტო დოკუმენტაცია;
 3. ქ. თბილისში, რამიშვილის ქ. N31-ში მდებარე ოფისისათვის მოსამზადებელი საპროექტო დოკუმენტაცია მოიცავს:
 - ოფისის შესასვლელში შეზღუდული შესაძლებლობების მქონე პირთა შეუფერხებელი გადაადგილების უზრუნველყოფის მიზნით პანდუსის მოწყობის საპროექტო დოკუმენტაცია;
 - ოფისის უწყვეტი კვების წყაროთი უზრუნველყოფის პროექტი (მ. შ. შესაბამისი გენერატორის ადგილის მოწყობა).
- 1.1. შესყიდვის ობიექტის სავარაუდო ღირებულება შეადგენს 6 000 ლარს დღგ-ს ჩათვლით. იმ შემთხვევაში თუ გამარჯვებული პრეტენდენტი არ არის დღგ-ს გადამხდელი, მასთან ანგარიშსწორება მოხდება დღგ-ს თანხის გამოკლებით.
 - 1.2. საპროექტო დოკუმენტაცია უნდა მოიცავდეს არქიტექტურულ პროექტს, მუშა ნახაზებს (მ.შ. გამოსაყენებელი მასალების მოცულობების, ნორმების და სხვა ტექნიკური სტანდარტების მითითებით), შესასრულებელი სამუშაოების ჩამონათვალს (მოცულობებისა და შესაბამისი ტექნიკური სტანდარტებისა თუ ნორმების მითითებით) და ხარჯთაღრიცხვას. პროექტი სავალდებულოა იყოს მაქსიმალურად დეტალიზებული;
 - 1.3. მიმწოდებელი ვალდებულია საპროექტო დოკუმენტაცია შეადგინოს ადგილობრივი თვითმმართველობის ორგანოების, სს „თელასისა“ და იმ ორგანიზაციების სტანდარტების შესაბამისად, რომლებთანაც შემდგომში უნდა განხორციელდეს პროექტის შეთანხმება;
 - 1.4. მიმწოდებელი ვალდებულია შემსყიდველთან შეთანხმებით განხორციელოს შესაბამისი უწყებებთან პროექტის, ან მისი ნაწილის შესთანხმებლად საჭირო ქმედებები და მათი შენიშვნების შემთხვევაში უზრუნველყოს პროექტში შესაბამისი ცვლილებების შეტანა.
 - 1.5. პრეტენდენტს სავალდებულოა გააჩნდეს შესაბამისი სფეროში მუშაობის არანაკლებ ბოლო 2

წლის გამოცდილება და ამ პერიოდში (ბოლო 2 წელი) გაწეული მომსახურების ღირებულება არ უნდა იყოს 50 000 (ორმოცდაათიათასი) ლარზე ნაკლები. დასტურად სავალდებულოა წარმოდგენილ იქნეს ინფორმაცია დანართი N2-ის შესაბამისად და გაფორმებული ხელშეკრულებები და მიღება-ჩაბარების აქტები;

- 1.6. პრეტენდენტმა უნდა წარმოადგინოს მინიმუმ 1 (ერთი) დადებითი სარეკომენდაციო წერილი შემსყიდველი ორგანიზაციიდან („სახელმწიფო შესყიდვების შესახებ“ საქართველოს კანონით განსაზღვრული შემსყიდველი ორგანიზაცია), ანალოგიური მომსახურების წარმატებით გაწევაზე, რომელიც გაცემული უნდა იყოს არაუადრეს 2015 წლის 01 იანვრისა.
- 1.7. პრეტენდენტი ვალდებულია საკუთრი სახსრებით უზრუნველყოს მის მიერ შედგენილი პროექტის ვარგისიანობაზე სსილ „ლ. სამხარაულის სახელობის სასამართლო ექსპერტიზის ეროვნული ბიუროს“ დადებითი დასკვნის წარმოდგენა.
- 1.8. გამარჯვებულმა პრეტენდენტმა საპროექტო დოკუმენტაციის შედგენა, შესაბამის ორგანოებთან (მუნიციპალიტეტების შესაბამისი სამსახურები, სს „თელასი“ და ა.შ.) შეთანხმება და სსიპ „ლ. სამხარაულის სახელობის სასამართლო ექსპერტიზის ეროვნული ბიუროს“ დადებითი დასკვნის წარმოდგენა უნდა უზრუნველყოს ხელშეკრულების გაფორმებიდან არაუმეტეს 60 კალენდარული დღის ვადაში, რის შემდეგაც გაფორმდება მიღება-ჩაბარების აქტი.
- 1.9. იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან ითხოვს ფასწარმოქმნის ადეკვატურობის დასაბუთებას. ფასწარმოქმნის ადეკვატურობა, ყოველი კონკრეტული შემთხვევიდან გამომდინარე, შესაძლებელია დასაბუთდეს ექსპერტიზის დასკვნით, შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით, ანგარიშფაქტურით (ინვოისით) ან/და სხვა ისეთი დოკუმენტაციით, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

2. ანგარიშსწორების პირობები

- 2.1. იმ შემთხვევაში თუ გამარჯვებული პრეტენდენტი არ არის დღგ-ს გადამხდელი, მასთან ანგარიშსწორება მოხდება დღგ-ს თანხის გამოკლებით.
- 2.2. ანგარიშსწორება მოხდება უნაღდო ანგარიშსწორებით საქართველოს ეროვნულ ვალუტაში.
- 2.3. ანგარიშსწორება განხორციელდება მიღება-ჩაბარების აქტის წარმოდგენიდან 15 (თხუთმეტი) კალენდარული დღის განმავლობაში.
- 2.4. მიღება-ჩაბარების აქტი გაფორმდება მხოლოდ შედგენილი პროექტის შეთანხმებაზე კომპეტენტური ორგანოებიდან შესაბამისი დოკუმენტაციისა და შედგენილ პროექტზე სსიპ „ლ. სამხარაულის სახელობის სასამართლო ექსპერტიზის ეროვნული ბიუროს“ დადებითი დასკვნის წარმოდგენის შემდეგ (უზრუნველყობს მიმწოდებელი).
- 2.5. წინასწარი ანგარიშსწორება (ავანსი) არ გამოიყენება.

3. პრეტენდენტებმა ტექნიკური დოკუმენტაციის სახით სისტემაში უნდა ატვირთონ შემდეგი დოკუმენტები და ინფორმაცია:

- 3.1. შესასრულებელი საპროექტო სამუშაოების ფასების ცხრილი დანართი №1-ის შესაბამისად.
- 3.2. ინფორმაცია პრეტენდენტის გამოცდილებისა და განხორციელებული ანალოგიური მომსახურების შესახებ დანართი N2-ის შესაბამისად და შესაბამისი ხელშეკრულებები და მიღება-ჩაბარების აქტები. ანალოგიური მომსახურების ღირებულება უკანასკნელი 2 წლის განმავლობაში არ უნდა იყოს 50 000 ლარზე ნაკლები.
- 3.3. მინიმუმ 1 (ერთი) დადებითი სარეკომენდაციო წერილი შემსყიდველი ორგანიზაციიდან

(„სახელმწიფო შესყიდვების შესახებ“ საქართველოს კანონით განსაზღვრული შემსყიდველი ორგანიზაცია), ანალოგიური მომსახურების წარმატებით გაწევაზე, რომელიც გაცემული უნდა იყოს არაუადრეს 2015 წლის 01 იანვრისა.

- 3.4. ინფორმაცია ორგანიზაციის რეკვიზიტების შესახებ (იურიდიული სახელწოდება, ფორმა, მისამართი, საიდენტიფიკაციო კოდი, ტელეფონის/ფაქსის ნომერი, ხელმძღვანელ(ებ)ის სახელი და გვარი, ელექტრონული მისამართი, ბანკის დასახელება, ბანკის კოდი, ანგარიშსწორების ანგარიშის ნომერი).

პრეტენდენტის მიერ წარმოდგენილი სატენდერო წინადადება და სატენდერო დოკუმენტაცია ხელმოწერილი და ბეჭედდასმული (არსებობის შემთხვევაში) უნდა იყოს უფლებამოსილი ან მისი ნდობით აღჭურვილი (სათანადო წესით დამოწმებული მინდობილობის საფუძველზე) პირის ხელმოწერითა და ბეჭდით.

შენიშვნა: გამარჯვებულმა პრეტენდენტმა უნდა წარმოადგინოს ვაჭრობის შედეგად დაფიქსირებული საბოლოო ფასების შესაბამისი ხარჯთაღრიცხვა (არსებობის შემთხვევაში).

დამატებითი ინფორმაციის მიღება შესაძლებელია სატენდერო კომისიის აპარატში, საკონტაქტო ტელეფონი: 225-25-33, შიდა 140 - შესყიდვების განყოფილების უფროსი არჩილ გერსამია.

ფასების ცხრილი (დღგ-ს ჩათვლით)

პრეტენდენტის დასახელება _____

№	შესასრულებელი საპროექტო სამუშაოების დასახელება	ღირებულება
1	ქ. მცხეთაში, ანტიოქიის ქ. N5-ში მდებარე საქპატენტის სათაო ოფისში განსახორციელებელი სამუშაოების საპროექტო დოკუმენტაცია:	
	• შენობის ვერანდაზე 10-15კვ.მ. თამბაქოს მოსაწევი ოთახის შუშბანდიანი ტიხრებით მოწყობის საპროექტო დოკუმენტაცია;	
	• შენობაში არსებული 315,1 კვ.მ. საოფისე ფართის შუშის ვიტრაჟებით გადატიხვრის საპროექტო დოკუმენტაცია;	
	• შენობის ცენტრალურ შესასვლელში შეზღუდული შესაძლებლობების მქონე პირთა შეუფერხებელი გადაადგილების უზრუნველყოფის მიზნით პანდუსის მოწყობის საპროექტო დოკუმენტაცია;	
	• 25 ადგილიანი საკონფერენციო მაგიდის პროექტი (ჩამონტაჟებული მიკროფონებითა და შესაბამისი აპარატურით);	
	• შენობის ვიტრაჟებიდან წყლის შემოსვლის ადგილების დამუშავების საპროექტო დოკუმენტაცია;	
	• შენობაში არსებული „ჩილერის“ უწყვეტი კვების წყაროთი უზრუნველყოფის პროექტი;	
2	ქ. თბილისში, რამიშვილის ქ. N4-ში მდებარე ოფისისათვის მოსამზადებელი საპროექტო დოკუმენტაცია	
	• ოფისის შესასვლელში შეზღუდული შესაძლებლობების მქონე პირთა შეუფერხებელი გადაადგილების უზრუნველყოფის მიზნით პანდუსის მოწყობის საპროექტო დოკუმენტაცია;	
3	ქ. თბილისში, რამიშვილის ქ. N31-ში მდებარე ოფისისათვის მოსამზადებელი საპროექტო დოკუმენტაცია	
	• ოფისის შესასვლელში შეზღუდული შესაძლებლობების მქონე პირთა შეუფერხებელი გადაადგილების უზრუნველყოფის მიზნით პანდუსის მოწყობის საპროექტო დოკუმენტაცია;	
	• ოფისის უწყვეტი კვების წყაროთი უზრუნველყოფის პროექტი (მ. შ. შესაბამისი გენერატორის ადგილის მოწყობა).	

პრეტენდენტის ხელმოწერა _____

ბეჭედი

ინფორმაცია გამოცდილებისა და ბოლო 2 წლის განმავლობაში გაწეული ანალოგიური
მომსახურების შესახებ

N	შედგენილი საპროექტო დოკუმენტაციის აღწერა	შემსყიდველის დასახელება	გაწეული მომსახურების ღირებულება	მომსახურების გაწევის პერიოდი
1				
2				
3				
4				
5				
6				

სახელმწიფო შესყიდვის შესახებ ხელშეკრულება №

ქ. მცხეთა
2015 წ.

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად.

ერთის მხრივ, სსიპ საქართველოს ინტელექტუალური საკუთრების ეროვნული ცენტრი „საქპატენტი“ (შემდგომში „შემსყიდველი“), წარმოდგენილი მისი საფინანსო დეპარტამენტის უფროსის ვლადიმერ სიხარულიძის სახით (მოქმედი სსიპ „საქპატენტის“ თავმჯდომარის 2013 წლის 03 იანვრის №04 ბრძანებით მინიჭებული უფლებამოსილების საფუძველზე), და მეორეს მხრივ, _____ (შემდგომში „მიმწოდებელი“) წარმოდგენილი მისი დირექტორის _____ სახით, სახელმწიფო შესყიდვების შესახებ კანონის და მიმწოდებლის სატენდერო წინადადების საფუძველზე, №SPA----- გამარტივებული ელექტრონული ტენდერის ჩატარების შედეგად დებენ სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „დღე“, „კვირა“, „თვე“ – კალენდარული დღე, კვირა, თვე.
- 1.3. „შემსყიდველი“ – ორგანიზაცია, რომელიც ახორციელებს შესყიდვას.
- 1.4. „მიმწოდებელი“ – პირი, რომელიც ახორციელებს მომსახურების მიწოდებას.
- 1.5. „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.
- 1.6. „ტექნიკური დავალება“ – №SPA----- გამარტივებული ელექტრონული ტენდერის სატენდერო დოკუმენტაციის ტექნიკური დავალება, რომელიც წარმოადგენს ხელშეკრულების განუყოფელ ნაწილს.

2. ხელშეკრულების საგანი

- 2.1. შესყიდვის ობიექტია ქ. მცხეთაში და ქ. თბილისში მდებარე საქპატენტის ოფისებში მცირე რეკონსტრუქციისა (მათ შორის ფასადური ნაწილის ცვლილება) და სამშენებლო-სარემონტო სამუშაოების საპროექტო დოკუმენტაციის (მათ შორის ხარჯთაღრიცხვა) შედგენის მომსახურება CPV712200000, ამ ხელშეკრულების დანართ N1-სა (რომელიც წარმოადგენს ამ ხელშეკრულების განუყოფელ ნაწილს) და spa----- გამარტივებულ ელექტრონულ ტენდერში მოცემული ტექნიკური დავალების შესაბამისად.
- 2.2. მომსახურება მოიცავს შემდეგს:
 - 2.2.1. ქ. მცხეთაში, ანტიოქიის ქ. N5-ში მდებარე საქპატენტის სათაო ოფისისათვის შესაქმნელი საპროექტო დოკუმენტაცია მოიცავს:
 - შენობის ვერანდაზე 10-15კვ.მ. სიგარეტის მოსაწევი ოთახის შუშბანდიანი ტიხრებით მოწყობის საპროექტო დოკუმენტაცია;
 - შენობაში არსებული 315,1 კვ.მ. საოფისე ფართის შუშის ვიტრაჟებით

- გადატიხვრის საპროექტო დოკუმენტაცია;
 - შენობის ცენტრალურ შესასვლელში შეზღუდული შესაძლებლობების მქონე პირთა შეუფერხებელი გადაადგილების უზრუნველყოფის მიზნით პანდუსის მოწყობის საპროექტო დოკუმენტაცია;
 - 25 ადგილიანი საკონფერენციო მაგიდის პროექტი (ჩამონტაჟებული მიკროფონებითა და შესაბამისი აპარატურით);
 - შენობის ვიტრაჟებიდან წყლის შემოსვლის ადგილების დამუშავების საპროექტო დოკუმენტაცია;
 - შენობაში არსებული „ჩილერის“ უწყვეტი კვების წყაროთი უზრუნველყოფის პროექტი;
- 2.2.2. ქ. თბილისში, რამიშვილის ქ. N4-ში მდებარე ოფისისათვის მოსამზადებელი საპროექტო დოკუმენტაცია მოიცავს:
- ოფისის შესასვლელში შეზღუდული შესაძლებლობების მქონე პირთა შეუფერხებელი გადაადგილების უზრუნველყოფის მიზნით პანდუსის მოწყობის საპროექტო დოკუმენტაცია;
- 2.2.3. ქ. თბილისში, რამიშვილის ქ. N31-ში მდებარე ოფისისათვის მოსამზადებელი საპროექტო დოკუმენტაცია მოიცავს:
- ოფისის შესასვლელში შეზღუდული შესაძლებლობების მქონე პირთა შეუფერხებელი გადაადგილების უზრუნველყოფის მიზნით პანდუსის მოწყობის საპროექტო დოკუმენტაცია;
 - ოფისის უწყვეტი კვების წყაროთი უზრუნველყოფის პროექტი (მ. შ. შესაბამისი გენერატორის ადგილის მოწყობა).

3. ხელშეკრულების ღირებულება

- 3.1. ხელშეკრულების საერთო ჯამური ღირებულება შეადგენს _____ ლარს;
- 3.2. ერთეული ღირებულებები მოცემულია დანართ N1-ში, რომელიც წარმოადგენს ხელშეკრულების განუყოფელ ნაწილს.
- 3.3. ხელშეკრულების ჯამური ღირებულება მოიცავს ხელშეკრულებით გათვალისწინებული საქონლის შესყიდვასთან და მიწოდებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ ყველა გადასახადს.

4. მომსახურების შესრულების ვადა და მიღება-ჩაბარების წესი

- 4.1. მიმწოდებელი ვალდებულია ხელშეკრულების „2.2.“ პუნქტით განსაზღვრული მომსახურება (მ.შ. შესაბამის ორგანოებთან შეთანხმება და სსიპ ლ. სამხარაულის სახელობის სასამართლო ექსპერტიზის ეროვნული ბიუროს დადებითი დასკვნის წარმოდგენა) გასწიოს ხელშეკრულების გაფორმებიდან 60 კალენდარული დღის ვადაში.
- 4.2. მიმწოდებელს უფლება აქვს განახორციელოს მომსახურება და გადასცეს შემკვეთს პროექტი წინამდებარე ხელშეკრულების „4.1“ პუნქტით გათვალისწინებულ ვადაზე ადრე.
- 4.3. მიღება-ჩაბარების აქტი გაფორმდება მხოლოდ შედგენილი პროექტის შეთანხმებაზე კომპეტენტური ორგანოებიდან შესაბამისი დოკუმენტაციისა და შედგენილ პროექტზე სსიპ „ლ. სამხარაულის სახელობის სასამართლო ექსპერტიზის ეროვნული ბიუროს“ დადებითი დასკვნის წარმოდგენის შემდეგ (უზრუნველყოფს მიმწოდებელი).
- 4.4. შემსყიდველის მხრიდან მიღება-ჩაბარების აქტზე ხელმოწერ უფლებამოსილ პირს წარმოადგენს: _____.

5. ანგარიშსწორების ფორმა და ვადები

- 5.1. მიმწოდებელთან ანგარიშსწორება განხორციელდება უნაღდო ანგარიშსწორების წესით

ეროვნულ ვალუტაში.

- 5.2. ანგარიშსწორება განხორციელდება მიმწოდებლის მიერ სამუშაოს შესრულებისა და საპროექტო დოკუმენტაციის გადაცემასთან დაკავშირებული მიღება-ჩაბარების აქტის გაფორმებისა და საანგარიშსწორებო დოკუმენტაციის (არსებობის შემთხვევაში საგადასახადო ანგარიშ-ფაქტურა) წარდგენიდან 15 (თხუთმეტი) კალენდარული დღის განმავლობაში, მიმწოდებლის მიერ მითითებული რეკვიზიტების მიხედვით.

6. მხარეთა უფლება-მოვალეობანი

- 6.1. მიმწოდებელი ვალდებულია:

- 6.1.1. მომსახურება გასწიოს შემსყიდველთან შეთანხმებული საპროექტო დავალების (დანართი N1) მიხედვით.
- 6.1.2. ხელშეკრულებით გათვალისწინებული პროექტი შეადგინოს და გადასცეს „შემსყიდველს“ არაუგვიანეს ხელშეკრულებით განსაზღვრულ ვადაში.
- 6.1.3. დაუყოვნებლივ აცნობოს „შემსყიდველს“ თუ მისგან დამოუკიდებელი რაიმე მიზეზი და გარემოებები საფრთხეს უქმნის ან შეუქმნის პროექტირების მიმდინარეობას.
- 6.1.4. უზრუნველყოს პროექტის შესრულება ხარისხიანად, ხელშეკრულებისა და შემსყიდველის მოთხოვნის შესაბამისად;
- 6.1.5. გაუწიოს „შემსყიდველს“ უფლებრივად უნაკლო მომსახურება.
- 6.1.6. შესრულებულ პროექტში ნაკლის აღმოჩენის შემთხვევაში, საკუთარი ხარჯით აღმოფხვრას ნაკლი.
- 6.1.7. იმ შემთხვევაში თუ კომპეტენტური ორგანოს მოთხოვნით საჭირო გახდება პროექტში გარკვეული ცვლილებების განხორციელება, მიმწოდებელი ვალდებულია საკუთარი ხარჯით განახორციელოს შესაბამისი ცვლილებები, შემსყიდველის მიერ განსაზღვრულ გონივრულ ვადაში.
- 6.1.8. ამ ხელშეკრულების 6.1.7 პუნქტით გათვალისწინებული შემთხვევის გარდა, ნიბისმიერი ცვლილება პროექტში შეათანხმოს შემსყიდველთან.

- 6.2. შემსყიდველი ვალდებულია:

- 6.2.1. მიაწოდოს მიმწოდებელს ყველა ინფორმაცია, თუ ეს საჭიროა პროექტის განსახორციელებლად და მოთხოვნილია „მიმწოდებლის“ მიერ.
- 6.2.2. მიაწოდოს „მიმწოდებლის“ პროექტთან დაკავშირებული ყველა საჭირო დოკუმენტაცია, რომელიც საჭიროა პროექტის შესადგენად და შესათანხმებლად;
- 6.2.3. ხელშეკრულებით დადგენილ ვადაში და პირობებით უზრუნველყოს ანგარიშსწორება.

- 6.3. მხარეები ვალდებული არიან:

- 6.3.1. თავიანთი კომპეტენციის ფარგლებში, ერთობლივი ძალისხმევით შექმნან და მოიპოვონ ის დოკუმენტაცია, რომელიც საჭიროა კომპეტენტურ ორგანოებში შესაბამისი ნებართვების მისაღებად;
- 6.3.2. ერთმანეთს დაუყოვნებლივ მიაწოდონ წერილობითი ფორმით ყველა ის ინფორმაცია, რაც აუცილებელია ხელშეკრულებით გათვალისწინებული ვალდებულებების ჯეროვნად შესასრულებლად;
- 6.3.3. კეთილსინდისიერად შეასრულონ წინამდებარე ხელშეკრულებით ნაკისრი ვალდებულებები.

- 6.4. ნებისმიერი მხარე უფლებამოსილია მოსთხოვოს მეორე მხარეს წინამდებარე ხელშეკრულებით ნაკისრი ვალდებულებების ჯეროვნად შესრულება.

7. ხელშეკრულებით ნაკისრი ვალდებულებების შესრულების ინსპექტირება

- 7.1. შემსყიდველი უფლებამოსილია ხელშეკრულების შესრულების ნებისმიერ ეტაპზე

განახორციელოს კონტროლი (ინსპექტირება), რომლის მიზანია სამუშაოს შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

- 7.2. ინსპექტირების შედეგად მიმწოდებლის მიერ ხელშეკრულებით გათვალისწინებული პირობების დარღვევის აღმოჩენის შემთხვევაში, შემსყიდველი უფლებამოსილია მისცეს მას მითითება ვალდებულებების დარღვევის გამოსწორების შესახებ.

8. მხარეთა პასუხისმგებლობა ხელშეკრულების პირობების შეუსრულებლობისათვის

- 8.1. მხარეებმა ხელშეკრულებით გათვალისწინებული ვალდებულებები უნდა შეასრულონ ჯეროვნად, კეთილსინდისიერად, ხელშეკრულებით დათქმულ დროსა და ადგილას. მხარეები პასუხს აგებენ ხელშეკრულებით განსაზღვრული პირობების შეუსრულებლობის, არაჯეროვანი შესრულების ან/და დაგვიანებით შესრულებისათვის ხელშეკრულებით და საქართველოს კანონმდებლობით დადგენილი წესით;
- 8.2. ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობის, არაჯეროვანი შესრულების ან/და დაგვიანებით შესრულების შემთხვევაში გამოიყენება სანქციები, რომელთა ფორმა, ოდენობა, ამოქმედების პირობები განსაზღვრულია წინამდებარე ხელშეკრულებით;
- 8.3. მიმწოდებლის მიერ ნაკისრი ვალდებულებების შეუსრულებლობის ან/და არაჯეროვნად შესრულების შემთხვევაში შემსყიდველი უფლებამოსილია დააკისროს მიმწოდებელს ჯარიმა ხელშეკრულების ღირებულების 10%-ის ოდენობით;
- 8.4. არაჯეროვნად შესრულებას წარმოადგენს უხარისხო მომსახურების გაწევა. ამასთან, არაჯეროვნად გაწეულად მიიჩნევა ნებისმიერი ვალდებულების შეუსრულებლობა, რომელიც ნაკისრი აქვს მიმწოდებელს წინამდებარე ხელშეკრულებით გარდა 8.5 პუნქტით განსაზღვრული შემთხვევებისა.
- 8.5. მიმწოდებლის მიერ დაგვიანებით შესრულებას წარმოადგენს მომსახურების გაწევის წინამდებარე ხელშეკრულებით გათვალისწინებული მიწოდების ვადის დარღვევა, რისთვისაც შემსყიდველი უფლებამოსილია დააკისროს მიმწოდებელს პირგასამტეხლო ყოველ ვადაგადაცილებულ დღეზე ხელშეკრულების საერთო ღირებულების 1%-ის ოდენობით.
- 8.6. შემსყიდველს უფლება აქვს მოახდინოს პირგასამტეხლოს გამოქვითვა მიმწოდებლისათვის გადასახდელი თანხიდან.
- 8.7. იმ შემთხვევაში თუ ამ ხელშეკრულების მე-8.5 პუნქტით განსაზღვრული პირგასამტეხლოს ჯამური ოდენობა გადააჭარბებს ხელშეკრულების საერთო ღირებულების 10%-ს შემსყიდველი უფლებამოსილია ცალმხრივად შეწყვიტოს ხელშეკრულება.
- 8.8. მიმწოდებლის მიერ ხელშეკრულების პირობების შეუსრულებლობის შემთხვევაში შემსყიდველი უფლებამოსილია ცალმხრივად შეწყვიტოს ხელშეკრულება.
- 8.9. ხელშეკრულების პირობების დარღვევისათვის გათვალისწინებული პასუხისმგებლობა არ ათავისუფლებს მხარეებს ძირითადი ვალდებულებების შესრულებისაგან.

9. ხელშეკრულებაში ცვლილებების შეტანა

- 9.1. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 9.2. ხელშეკრულებაში ნებისმიერი ცვლილების და/ან დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, ხელშეკრულების

დამატებითი შეთანხმების სახით, რომელსაც ექნება იგივე იურიდიული ძალა რაც წინამდებარე ხელშეკრულებას.

10. ფორს-მაჟორი

- 10.1. ფორს-მაჟორი ნიშნავს მხარეებისთვის გადაუღებელ და მათი კონტროლისაგან დამოუკიდებელ გარემოებებს, რომელიც არ არის დაკავშირებული შემსყიდველის და ან მიმწოდებლის შეცდომებსა და დაუდევრობასთან და რომელსაც გააჩნია წინასწარ გაუთვალისწინებელი ხასიათი;
- 10.2. მხარეები არ არიან პასუხისმგებელნი თავიანთი ვალდებულებების სრულიად ან ნაწილობრივ შეუსრულებლობაზე, თუ ეს გამოწვეულია დაუძლეველ ძალთა გარემოებებით (სტიქიური მოვლენები, საომარი მოქმედებები, გაფიცვები და სხვა);
- 10.3. მხარემ რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ.
- 10.4. წერილობით შეტყობინებაში მითითებული გარემოებები დადასტურებული უნდა იქნეს კომპეტენტური ორგანოს მიერ. დადასტურება არ არის საჭირო თუ აღნიშნული ფაქტები ცნობილია საზოგადოდ.
- 10.5. ფორს-მაჟორული გარემოებების აღმოფხვრისთანავე მხარეები ვალდებული არიან შეასრულონ წინამდებარე ხელშეკრულებით ნაკისრი ვალდებულებები.

11. ხელშეკრულების მოქმედების ვადა და შეწყვეტის პირობები

- 11.1. ხელშეკრულება ძალაშია მხარეთა მიერ მისი ხელმოწერის დღიდან და მოქმედებს 2015 წლის 31 დეკემბრამდე.
- 11.2. ხელშეკრულება შეიძლება შეწყდეს მხარეთა ინიციატივით, ურთიერთშეთანხმების საფუძველზე.
- 11.3. ნებისმიერ მხარეს შეუძლია ცალმხრივად შეწყვიტოს წინამდებარე ხელშეკრულება, რაც უნდა აცნობოს მეორე მხარეს წერილობით, არანაკლებ 10 კალენდარული დღით ადრე, იმ შემთხვევაში თუ:
 - 11.3.1. ხელშეკრულების ერთ-ერთი მხარე სისტემატიურად არღვევს ხელშეკრულების პირობებს.
 - 11.3.2. წინამდებარე ხელშეკრულების „9.1.“ პუნქტით გათვალისწინებული შემთხვევის დადგომისას არსებითად იცვლება ხელშეკრულების პირობები.
 - 11.3.3. დაუძლეველი ძალის (ფორს-მაჟორი) მოქმედება გრძელდება ერთ თვეზე მეტ ხანს.
 - 11.3.4. წინამდებარე ხელშეკრულების „8.3.“ და „8.5.“ პუნქტებით გათვალისწინებულ შემთხვევას ექნება ადგილი.
- 11.4. ნებისმიერ მხარეს შეუძლია ცალმხრივად შეწყვიტოს ხელშეკრულება საქართველოს სამოქალაქო კოდექსით გათვალისწინებული საფუძველებით.

12. დასკვნითი დებულებები

- 12.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.
- 12.2. ხელშეკრულება შედგენილია ქართულ ენაზე სამ თანაბარმნიშვნელოვან ეგზემპლარად (ერთი ეგზემპლარი მიმწოდებელს, ხოლო ორი შემსყიდველს).
- 12.3. ხელშეკრულების ცალკეული მუხლის და/ან პუნქტის ბათილობა ან ძალდაკარგულად ცნობა არ ახდენს გავლენას მთლიანად ხელშეკრულების ან მისი სხვა ნაწილის ნამდვილობაზე.
- 12.4. ურთიერთობანი, რომელიც არ არის რეგულირებადი წინამდებარე ხელშეკრულებით,

განიხილება მოქმედი კანონმდებლობის შესაბამისად.

მხარეთა რეკვიზიტები და ხელმოწერები

შემსყიდველი

მიმწოდებელი

სსიპ საქართველოს ინტელექტუალური საკუთ-
რების ეროვნული ცენტრი „საქპატენტი“

მისამართი: ქ. მცხეთა, ანტიოქიის ქ. №5

საიდენტიფიკაციო კოდი: 203831363

საბანკო რეკვიზიტები:

მიმღები ბანკი: სახელმწიფო ხაზინა

ბანკის კოდი: TRESGE22

სახაზინო კოდი/ ანგარიშის № 707807132

საფინანსო დეპარტამენტის უფროსი
ვლადიმერ სიხარულიძე